

Dissertatio medica inauguralis, de febre puerperali ... / eruditorum examini subjicit Henricus Slaughter.

Contributors

Slaughter, Henry.
Royal College of Surgeons of England

Publication/Creation

Edinburgi : Apud Balfour et Smellie, 1780.

Persistent URL

<https://wellcomecollection.org/works/qr93gbvv>

Provider

Royal College of Surgeons

License and attribution

This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

D I S S E R T A T I O M E D I C A

I N A U G U R A L I S,

D E

F E B R E P U E R P E R A L I.

ДИАЛОГИ О ГЛАВЕ

ЗИЛЯЧУСА И Т

з д

ЗАЯЩИИ ЗЕЛЯ

DISSE^TRAT^IO MEDICA,
INAUGURALIS, 8
DE
FEBRE PUERPERALI:
QUAM,
ANNUENTE SUMMO NUMINE,
Ex Auctoritate Reverendi admodum Viri,
D. GULIELMI ROBERTSON, S.S.T.P.
ACADEMIÆ EDINBURGENÆ Praefecti;
NEC NON
Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
PRO GRADU DOCTORATUS,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit
HENRICUS SLAUGHTER,
ANGLUS.

Sin aliquando necessitas nos ad ea detruserit quae nostri ingenii non
erunt, omnis adhibenda erit cura, meditatio, diligentia, ut ea, si non
decore, at quam minimum indecora, facere possimus. CIC. DE OFF.

Ad diem 24. Junii, hora locoque solitis.

EDINBURG^I:
Apud BALFOUR et SMELLIE,
Academiae Typographos.

M,DCC,LXXX.

ДІАЛОГИ МІЖ ДЛЯ ПЕРСОН

ІНДІАНІВ

ад

ІЛЯ ПЕРСОНІ

МАРКІ

ЛІМІН СІМІВ ІМЕНІ

Mr. Lester

from his humble pen

The author

ДО ГОДУ ОДНОГО

ІНДІАНІВ

DISSERTATIO MEDICA

I N A U G U R A L I S,

D E

FEBRE PUEPERALI.

FEBRIS puerperalis sub finem diei secundi, vel ineunte tertio, puerperas adoritur : Nonnunquam ad sextum, vel ultra, differuntur accessus febriles.

Horror et frigus prima fere ordine observantur symptomata ; in paucis violenta, frequentius levia, et paroxysmis inaequalibus redeuntia.

Pulsus parvi plerumque et celeres sunt, debilitate in nonnullis vix numerabiles; per-

A

raro

6 DE FEBRE PUERPERALI.

raro duri vel fortes, nisi iis quae validum et plenum corporis habitum sortiuntur.

Respiratio difficultis est, et saepius cum abdominalis doloribus incrementa capit; aliis autem pulmones revera inflammantur.

Anxietate, suspiriis, laborant multae; quasdam ea urget debilitas, ut vix secundo vel tertio morbi die sese movere, vel in latu utrumvis decumbere, valeant.

Lingua nonnullis parum afficitur, nisi sub febris terminum, ubi aspera, sicca, subnigra evadit; aliis ab initio arida est, et his etiam sitis ingens observatur: Haec autem minus plerumque, quam in aliis febribus, aegras torquet.

Dolores hypogastrium, imo totum abdomen, occupant, quod tactu immaniter dolet; quibusdam, praecipue in regione iliaca, in pube vel inguine saevierunt: Plurimis epigastrum dolore torquetur ad ventriculum et costas spurias.

Vomitus violentus, frequens, viscidus, initio subflavus vel viridis, debacchante febre, aqueus et niger evadit. Diarrhoea e-

jusdem

jusdem ferme indolis est: Sed neque diarrhoea nec vomitus perpetua lege febrem incipientem comitatur.

Lochia crebro nec deficiunt nec vitiantur; aliis evanescunt, vel in nigra et putrida mutantur.

Minuitur, imo supprimitur, lactis secretio; non autem in universum id fit; nam ad mortem usque effluere aliquoties continxit.

Urina primis morbi diebus aegre ac parce secernitur, valde rubet, nec, nisi mitescente febre, sedimentum deponere nota est.

Pervigiliis vexantur aegrae cum immanni et perpetuo prope sincipitis dolore: Oculi simul tristes et hebetes apparent, a primis etiam morbi diebus.

Circa tertium vel quartum febris diem, haud raro tumescit abdomen, et simul adeat vultus anxius, ferox, circumscriptus generum et labiorum livor, narium expansio, dolores aliquot ante mortem horis minuntur, evanescunt.

Triplici

Tripli modo solutum morbum observavit Hulme, diarrhoea, nimirum, sudore, et urina. Whytt, per diarrhoeam solummodo certam fieri morbi solutionem contendit. Leake adeo per febris violentiam prostrari vires afferit, ut rarissime crisi sufficient, nisi forte omenti suppurationem pro critico naturae molimine habeas, quae (cum in causa morbosa debellanda ipsam ad exteriora propellere non valeat) lethalem partium nobiliorum affectionem excitet.

P A T H O L O G I A.

Cum puerperae hac febre correptae summo in periculo versentur, cumque haec, data coeli temperie, summas saepissime strages ediderit; a primis quasi medicinae incubabulis, ad nostram usque aetatem, pluribus notatam fuisse non mirabimur. Nec tamen (quod magis miratione dignum) de ipsius natura inter auctores convenit, de ipsa

sa etiam mali sede litigatur, licet per dissec-
tiones repetitas de ea certiores fieri summo-
pere contenderunt.

Innumerae fere recensentur apud auto-
res de hoc morbo sententiae; quas omnes, in
hujusmodi dissertatiuncula, numerare super-
vacuum forsan et inutile duceretur. Qui
praecipui de hac re scripserunt, ii vel in u-
teri inflammatione morbi sedem collocant,
vel in omento et intestinis maxime affectis
ponendam contendunt. Hi etiam febre sy-
nocha plerumque vexari aegras affirmant.
Alii vero febrem contagiosam semper, imo
putridam esse judicant. Nobis illi maxime
arrident, qui in omento et intestinis laefis
affectionem localem fistunt: An vero in-
flammentur, an erysipelate laborent, brevi
explorabimus.

Qui * inflammatum uterum in hoc mor-
bo opinantur ex doloribus hypogastric-
um et pubem primo obsidentibus, exinde
ad reliquas corporis partes serpentibus, ex
febre

* Vid. Johnson de febre puerperali.

febre post partum solummodo observabili, ex lochiis plerumque suppressis, veterum sententiam stabilire aggrediuntur ; speciose quidem, an vere, ex sequentibus forsan judicare liceat.

Quod ad dolores attinet, rarius ii forsan, quam a plerisque existimetur, in hypogastrio occurunt. Leake in epigastrio dolores oriri afferit, unde in totum abdomen diffundantur ; et, quamvis in hypogastrio nonnullis incipient, et situ et symptomatis ab inflammato utero discrepant, uti postea in diagnosi observabimus : Omentum hic etiam revera affici probant exempla quaedam a celeberrimo Hulme allata ; ipse enim sex mulieres hac febre extintas secuerat, quarum binae de hypogastrio dolente conquestae fuerant. His autem omenta in pelvem descenderant ; uni praeципue per inflata intestina arcte in pubem appressum reperiebatur id viscus : Reliquis epigastrium angebatur.

Morbum hunc puerperis proprium esse
omnino

omnino profitendum est; cur ita se res habeat, me postea demonstraturum confido.

Lochiorum suppressionem ex febris et alvinarum evacuationum violentia pendere, haud absimile est: Saepissime etiam ad mortem fluunt, nec in iis quibus suppressa fuerant, ulla saepe post mortem innotuit uteri inflammatio.

Ex his igitur argumentis, rejicienda videtur uteri inflammatio; maxime cum ipse cadaverum sectiones omentum et intestina primario affici ostendant: In omnibus enim sectorum cadaverum exemplis, a celeberrimis viris Pouteau, Hulme, Leake, et Home memoratis, aliqua faltem aderat horum viscerum inflammatio, cum pauca tantum uterum affectum demonstrarunt. Imo suppuratione et gangraena exesum fuisse omentum, sano et intacto ipso utero, plurimae docuerunt dissectionum historiae. Uterum igitur magis, e partium tabefactarum vicinio, vel causis alienis, affectum, quam tabi adeo horrendae originem fere sanum praebuisse crediderim.

Hactenus

Hactenus de sede mali, nunc de ipsius natura, inquirendum est. Duplex autem oritur de hac re sententia: Alii enim affectionem, ut jam diximus, inflammatoriam, erysipelatosam alii, contendunt.

Minor forsan adeat quam in vera viscerum abdominalium inflammatione dolor, minor etiam vomitus, nec alvus astricta est: Pulsus etiam, in quibusdam puerperis, fortes et duri, nec tantis cruciatibus jactantur hac febre correptae, ac in vera enteritide contingit.

An igitur erysipelatosa? Sequentia habet celeberrimus Home: ‘ This appears ‘ probable; 1st, As this fever has much the ‘ appearance of erysipelas from the sensa- ‘ tion of internal heat, from the quickness ‘ of its course, &c. 2d, Purgatives and ‘ Camphire are found useful in it as in ery- ‘ sipelas. 3d, Reid had small external tu- ‘ mors which seemed to have some resem- ‘ blance to erysipelas, and were perhaps ‘ partial attempts of nature to produce it. ‘ 4th, The erysipelas at that time was epi- ‘ demic

'demic in the Infirmary, and beyond all
'doubt infectious, though it was never be-
'fore thought to be so †,' &c.

Insignis haec certe et viri et argumentorum gravitas: Erysipelas ofam affectionis topicae naturam vix probant tamen pрагressae rationes; cum vero de hac re viris in medicina pрагstantissimis me opponam, dubius quae huic opinioni oppugnare videntur argumenta propono.

Ut igitur a primis ordiamur, calor ille omne revera erysipelas internum comitatur: Idem vero cuicunque cumulationi sanguinis notabili saepissime deberi, non minus certum est: Opportune in exemplum veniunt illae febres Vogellio Leipyriae dictae, in quibus, dum extrema algent, interna uruntur.

Feliciter quidem purgantia in hoc morbo adhiberi, neminem latet; eadem vero cuiusunque fere viscerum congectioni convenire, omnibus pariter notum arbitror.

B

Cam-

† Home's Clinical Experiments;

- Camphora olim a clarissimo Pouteau, nuperrime autem ab illustrissimo praelectiōnum clinicarum Professore laudata, in hac febre vix erysipelatosam ejus dispositionem ostentare videtur: Camphoram enim eximia virtute antiseptica praeditam novimus; hinc morbis contagiosis, iis praecipue qui in putredinem vergunt, paeprimis utilem *.

Tubercula illa supra commemorata, quae erysipelatis speciem retulerunt, dum simul is morbus in nosocomio contagiosus erat, et similem febris indolem indicasse videntur. Sed nec istae rationes huic sententiae stabiliendae sufficiunt: Nam, in plurimis morbis malignis, talia oriuntur exanthemata, quae pessimam saepe ipsorum indolem arguant. In pleuritide autem, erysipelas morbum non raro solvit: Ex illustrissimo etiam Professore videmus obstetricem, cum servula,

* De camphorae virtute antiseptica sic loquitur Culenus, in capitulo de pestis praeventione.

‘ If any thing is to be expected from antiseptics, I think camphire, whether internally or externally employed, is one of the most promising.’

servula, quae puerperarum curam gesserat, febribus exinde corripi ; nec ulla tamen de eruptione erysipelatosa mentio fit, quae his etiam in aliqua corporis parte apparuisset, si febris haec contagiosa simul et exanthematica fuisset.

Praecipuis jam de sede mali recensitis auctorum sententiis, breviter quae de febre comitante senserint absolvemus. Alii contagiosam, inflammatoriam alii, affirmant ; ab ipsis autem febris inflammatoriae fautoribus nonnunquam in contagiosarum classem abire, in confesso est : Restat igitur ut argumenta investigemus, quibus inflammatoria esse confirmatur. Juvat hic celeber. in arte viri verba in medium proferre * :

“ The child-bed fever, when produced by
 “ a distemperature of the air, &c. may at
 “ last become infectious; but, when it on-
 “ ly arises from such accidental causes as
 “ have already been enumerated, and which
 “ are confined to particular habits and con-
 “ stitutions,

* Vid. Leake.

" stitutions, it will end where it began,
 " and never communicate itself to a se-
 " cond person."

Causae certe inflammatoriam esse febrem
 in quibusdam demonstrant: Sic ex infelici
 excalefacientium usu, ex lecto citius re-
 lecto, aëris frigidi accessu, subitis et violen-
 tis animi motibus, febrem provenisse testan-
 tur omnes. Idem et suadere videtur mor-
 bi historia; nam pulsus saepe durus est et
 validus, fitis ingens, cutis arida. Ex con-
 sideratis autem medendi consiliis, a Leake
 et Johnson feliciter usurpati, vix dubitandi
 locus remanere poterit. Uterque enim
 venae sectiones et regiminis antiphlogistici
 usum commendat; Leake haec remedia
 omnibus in hac febre hucusque tentatis
 praetulit. Nec latet interea, febres non-
 nullas putridissimas ab inflammatione inci-
 pere. Ægre hae tamen venae sectionem
 admittunt, nunquam, ut puto, liberrimas il-
 las sanguinis vacuationes quibus haec febris
 oppugnata fuerit. Harum pulcherrima re-
 periuntur apud Leake et Van Swieten ex-
 empla.

empla. Prior de puella memorat, quae febre puerperali simul et pleuritide vexabatur: Hanc, vena quinquies secta, e morte eripuit. Van Swieten ex Tulpio sequentem habet historiam: “Dum octavo a partu die acerbissimus lateris dolor corripuit pueram, Tulpius, cum identidem novis insultibus urgeret dolor, ter pedis et quinquies brachii venas solvere debuit. Tantam autem sanguinis jacturam non solum toleravit, sed et ingens alvi profundum sustinere debuit, antequam integrum debellaretur morbus.”

Perpenfis jam, pro genio et viribus, quae de hoc morbo praecipue senferint recentiores, quid nobis ex affidua eorum perlectione visum fuerit, paucis enarrabimus.

Affectionem localem ex magna parte mutantae post partum circulationi cum Leake tribuendam censeo *; contractis enim utero ejusque vasibus, sanguis minori copia in ista derivatur; summota etiam uteri pressura, sanguis

* Vid. Leake on child-bed fevers.

sanguis in vasa contigua tanta velocitate impingit, ut eorum resistendi vires facile superet, vehementerque distendat: Unde dolores ac febres excitantur, praecipue autem in omento et intestinis, ubi vasa plurima, eaque laxa, inferuntur. Inflammationes autem ex tali dispositione non nasci, per ipsa hujus febris symptomata probatum credimus. Hinc congestionem magis, sive inflammationis id genus celeb. M'Bride Passivum dictum, oriri verisimile est; convulsivis enim uteri, diaphragmatis, et muscularum abdominalium motibus, inter partus labores agitantur, debilitantur laxa omenti vascula. Paucis post partum horis, ad naturalem magnitudinem regreditur uterus; exinde omentum solito adminiculo privat, aliaque hinc profluit debilitatis origo: Talem etiam laxitatem ipsi affectionis limites indicant, quae omento et intestinis, utpote laxioribus frequentius, rarius autem peritonaeo membranae firmae, durae communicetur: Sed in omento potius quam intestinis malum saeviisse constitit, laxiore, scilicet,

scilicet, nec firmo quovis viscere sustentato. Diarrhoea forsan laxatas vasorum extremitates arguit.

Ipsi dolores congestionem notant; nam, ut celeberrimi Whyte verbis utar, “ The patients complain chiefly of a tension, soreness, and tenderness of the belly, &c.”

Ipfa denique materiei in abdomine effusae indoles vasa exhalantia, laxa, debilia, enunciare videtur. Et, cum effusi fluidi extent exempla, dum nulla viscerum affectione oculis detegeretur, certe hanc non nisi a partium relaxatione ortam fuisse credendum est.

Si talis in omnibus puerperis obtineat dispositio, facilime explicatur absoluta hujus morbi a quavis febre efformatio. Febres enim prope omnes, sive contagiosae sive inflammatoriae fuerint, ab horrore incipiunt *; simul secretiones perspirationis et urinae minuuntur; sic fluida majori copia

* Vid. Leake.

pia versus interna derivantur, et, simul aucta fluidorum ad solida ratione, impetu majori in vasa debilitata impingunt. Quantum vero valeat mutata haec fluidorum circulatio docet intermittentium exemplum, quibus schirri in partibus antea sanis progeniti fuerint, nullis postea remediis superabiles. In ipsa etiam febre puerperali, eluent horripilationis effectus; quotiescunque enim repetuntur horrores, semper id fit cum notabili vomitus et diarrhoeae exacerbatione. Eodem forsan spectat, quod cutis arida semper humida pejor sit. Dolores igitur, diarrhoeae et vomitus, aequo febris inflammatoriae ac contagiosae symptomata sunt, ex peculiari puerperarum habitu oriunda.

Videtur autem abdominis affectio in nonnullis idiopathica; multi enim, et fide digni, abdominis dolores febrem praecessisse memorant: Multas etiam causas excitantes in abdomen tantum agere perspicuum est. Abdominis nimirum laesiones, lectus nimis cito relictus, fasciae arctius abdomini circumdatae,

circumdatae, irritando agent: Unde fluida in vasis irritatis cumulantur, quod in partibus adeo vitae necessariis diu sine febre continuari nequit: Hinc pulsus frequens, durus, validus, cutis arida, &c. in validae temperiei foeminis; cum autem per partus labores, per lochiorum effluxum, debilitentur puerperae, ita et pulsus plerumque debiles, vacillantes, inaequales erunt, cum summa virium jactura.

D I A G N O S I S.

Cum morbi numero fere in infinitum augeantur, fieri vix poterit quin plurimotum communia interveniant symptomata. Unde ingens audit diagnoseos utilitas. Febris puerperalis signa, doloribus partui supervenientibus, febri lacteae, et hysteritidi, maxime affinia videntur.

C

Dolores

Dolores autem illi et situ discrepant, et magis limitantur; quin magis remittentes, minus iidem febriles observantur.

Febris lactea hoc distat a puerperali, quod in priori abdomen tactum non refugiat; in posteriori vero, mammae nec tensione nec duritie urgeantur, nec dolores a mammis ad axillas emicare observati.

In hysteritide plurima occurunt quibus a febre nostra facillime dignoscatur. Nam in puerperarum febre nullus adest gravitatis sensus, non tumor, non dolor pulsatilis, profundus, nec os uteri tactu dolet, nec alvus astringitur.

P R O G N O S I S.

Eo magis discrimen habet haec febris, quo citius partui supervenit; multum etiam causarum indoli et durationi debetur. Periculum certe movent incuria et excalefacientium usitata, sed perniciosa, exhibitio.

Pulsus

Pulsus celeres, parvi, debiles, praecipue si simul respiratione contracta difficult laboret aegra, morbum exitiale denunciant. Si pulsus rariores fiunt et pleniores, in melius rem vergere indicio est. Variabiles fidem non admittunt. Nec aliorum symptomatum remissioni fidendum est, ni minuantur pulsuum frequentia.

Si tumor abdomen occupet, purgantibus non auferendus, simulque anxia sit aegra, cum faciei et labiorum livore, si subito et sine causa evidente abierint dolores, praefentissimam mortem facile praevideris.

Quae putredinis signa patent, petechiarum, dejectionum foetidarum, subnigrarum, exemplo, in nulla non febre urgentis periculi indicationem praebere, neminem latebit.

Inquietudo, membrorum molestia, erysipelas externum, magnam febris violentiam, malignitatem denotant.

PROPHYLAXIS.

De morbi praeventione fusius tractavit illustrissimus Whyte: Omnia forsan de morbo evitando principia tribus his continentur; in contagio scilicet, ejusque causis praedisponentibus, debellandis; in diathesi phlogistica, per debita remedia expugnanda; tum ea omnia praecavendo, quae congestiones in visceribus abdominalibus excitent. Quaedam hic occurunt speciam nominanda, quae evidenter sub praecedentibus indicationibus cadunt.

imo, Faecum retentionem maxime nocere, testantur omnes. Hulme puerperas omnes, hac febre correptas, maxime in periculo versari ait, quibus ante partum alvus tarda fuisset. Unde curandum censet Whyte, ut quotidie solvatur alvus (ni sponte deponat) per clysmata laxantia vel cathartica

thartica mitiora, si priora minus respondeant, vel ab aegris rejiciantur.

2do, Lochiorum in utero cumulationi praevenitur, si puerperae saepius de die erectae sedeant, si capite et humeris (quantum id commode fiat) elevatis decumbant: Suppressis emmenagoga stimulantia exhiberi perniciosissimum.

3to, Quantum valeant animi affectus in corporibus sanissimis turbandis, omnibus notum arbitror: Sedulo igitur evitanda ea quae iram, tristitiam, metum, gaudium moveant, vel aegras quocunque modo concident.

4to, Debilitas et contagioni et congestione favet. Curatur, si gravidis infestet per aquas spadanas, et corticem Peruvianum; juvabit etiam exercitium leve sub coelo puro, aperto, cum diaeta plena, roborante.

Sin vero a nimio lochiorum fluxu debilitentur puerperae, infusum corticis exterioris aurantiorum, cum cortice Peruviano et elixir vitrioli, rite celebrantur, et cuivis puerperii tempori aptantur.

5to,

5to, Si turbae in systemate concitentur, pro variata causa, diversa exigetur medela. Opiata plerumque huic scopo sufficient. Multum praedicantur etiam a celeb. Hamilton, A. O. P. castorei virtutes ; somnumque ab eo (modo recens in pulverem redacto) inductum, saepe post opium, spe vana, repetitum memorat.

6ta, Humiditatem, calorem, frigus, sedulo vitanda volunt practici ; qui autem atmosphaerae humidae subveniatur, haud ita constat.

METHODUS MEDENDI.

Horripilationes moderandas volunt medici per calida externe applicata, per diluentia levia interne etiam exhibita.

De venae sectione multum discrepant ; hi etenim nunquam, hi quibuscumque fere hac febre laborantibus ministrandam contendunt :

dunt : Alias prodesse, nocere alias, recte, ut videtur, commonet illustrissimus Home. Si febre contagiosa laborent puerperae, obnoxiam plerumque futuram esse vix dubium est. Si vero, cute arida, siti ingente, dolore lateris pungente, pulsu fortis, frequente, corripiatur aegra, proderunt forsan et repetitae vaenae sectiones.

Alvus in hoc morbo semper aperta servanda est ; hinc commendantur clysmata ex saccharo culinari cum aqua tepida ; purgantia ex sale cathartico amaro, ex oleo ricini, cremore tartari, aliisque purgantibus quae sine stimulo alvum solvunt.

Si nausea vexentur aegrae, emetica jure propinantur, si minus id eveniat, omnino supervacua videntur.

Quando, urgente nausea, vomitus per delirium vel plethoram prohibetur, juvabunt forsan haustus salini effervescentes. Vomitum ex vitiata bile molestum levabit radix columbo, ad drach. semif. adhibita, cum pari tartari vitriolati quantitate, si alvus tardior evaserit.

Diarrhoea

Diarrhoea spontanea per diluentia, refrigerantia, acida, antiseptica, promovetur. Nonnunquam vero ex mitissimis etiam (tanta est irritabilitas) stimulantur intestina; commode hic adjiciuntur sperma cete, et gummi Arabicum, quae partes adeo mobiles mucilagine sua obvolvant.

Si diarrhoeae succumbat aegra, vires per nutrientia sustinendae sunt; hujusmodi sunt sago, salep, quibus immisceatur exigua spirituum ardentium quantitas.

Moderanda simul, non suppressenda, diarrhoea per clysmata ex amylo cum pauxillo tinturae thebaicae, per confectionem damocratis, cardiacam, &c. per tartarum emeticum cum opiatu, quae simul ad superficiem determinant: Ad vires restituendas proderunt elixir vitrioli et cortex Peruvianus.

Si putredinis symptomata appareant, camphora utilissime exhibebitur: Laudantur etiam aër moderate frigidus, acida vegetabilia, mundities, manuum, faciei, dentium lotiones,

lotiones, linteas quotidie mutanda, nisi id sudores vetent.

Perspiratio per diluentia augetur, efficius vero per ipecacuanham opio admistam, quae bis terve de die, cum haustibus salinis interpositis, praescribantur.

Abdominis dolores levant cataplasma emollientia, fomenta, forsan epispaistica camphorata, vel rubefacientia, Leake, ad secundanos dolores, opium exhibendum jubet.

Tussis et dyspnoea per vesicatoria interscapulas, per solutiones sp. cet. vel guttulas aliquot tinturae thebaicae, sublevantur. Laterum dolores per vesicantia parti dolenti applicata, per radicem etiam senekae, ad drach. semif. bis terve de die assumptam, minuuntur.

F I N I S.



